

# SARS na NPA: Xitatimende xa nhlanganelo xa vuhangalasangamahungu eku kongomiseni eka vugevenga bya xibalo

**Tshwane 14 Mudyaxihi 2021** - Khomixinara wa Vukorhokeri bya Xibalo bya Afrika-Dzonga (SARS) - Tatana Edward Kieswetter, na Mulawuri wa Tiko wa Nchuchiso wa Vaaki (NDPP), Gqwetankulu Shamila Batohi, va pfulemelelanile ku yisa emahlweni va ndlandlamuxa ntirhisano no tirhana na mitlhonthlokulu ya vugevenga bya xibalo na nkanandzeleriso, leswi dyaka tshaku ra mali ya tiko ya xibalo na xindzhuti xa sisiteme ya xibalo.

Tanihleswi ntirhisano lowu ndlandlamuxiweke wu angarhelaka timhaka to hlaya, nkongomiso lowu wa xihatla ku ta va nkanandzeleriso hi vathori, lava susaka Xibalo-Hi-Ku-Ya-Hi-Muholo (PAYE), kambe va nga yisi swibalo sweswo eka SARS, na lava nga fayileku mitlheriso loko swi laveka, ku katsa na migingiriko yin'wana hi ku angarhela ya vukungundwana.

NDPP na Khomixinara va humeserile ehandle ku vilela ka vona ko enta mayelana na ndhavuko wa swiendlo swo kala nxupulo no pfumala tingana swa vukungundwana leswi vikiwaka masiku hinkwawo. Tanihi mbuyelo, navelo wa vumundzuku byo antswa eka Maafrika-Dzonga hinkwawo, wu onhiwa hi mahanyelo lama nga ri ki enawini na vugevenga hi vatlangi va tisekithara tin'wana ta phurayivhete na mfumo.

Va pfumela leswaku hambileswi NPA na SARS swi nga na swileriso swo hambana, va avelana xikongomelo xo fana. Va vula hi mhaka ya leswaku ku na ndlala leyi twisisekaka eka vanhu leswaku va nga tihlamulela eka vukungundwana. Leswi swi fanele swi ti humelerisa hi ku tirhana na ndhavuko wa nkanandzeleriso na xibohe xa swa xinawu hi vahakelaxibalo.

Ku nyika mbhurisano eka ntirhisano lowu, Xiyenge ya Vulavisisi bya swa Vugevenga eka SARS xi ta avela tshaku leri nyiketeriweke, no tirhela ekusuhi na tshaku leri nyiketeriweke ra NPA na Tiyuniti ta yona to Hlawuleka ta Xibalo ku lulamisa tikhesi to tiya leti lulameleke nchuchiso. Leswi swi ta endliwa hi mukhuva lowu lawuriwaka etikweni hinkwaro. Phurojeke ya nhlanganelo yo chuchisa ku sungula yi ta kongomisa eka vathori lava nga landzelerisiki.

Xiyenge ya Vulavisisi bya swa Vugevenga xa SARS se xi nyiketile ku tlula 30 wa vathori lava nga landzelerisiki eka NPA, naswona xi le ku tirheni ku boxa no kongomisa eka tikhesi to tala. Varhangeri va swifundza va SARS eka valavisisi va swa vugevenga na valawuri va swifundza va NPA va tiSTU va ta amukela tikhesi leti eka siku ro karhi eka xifundza xin'wana na xin'wana.

Ku kuma vuxokoxoko byo tala, u komberiwa ku tihlanganisa na SARSMedia kumbe ku bela Siphon Ngwema riqingho, Muvulavuleri wa Tiko wa NPA eka 081 253 8889.